

修真之所居巽軫之下聳七十二峰鬼神守護甚嚴人迹罕到天柱紫霄峰尤為峻極洞淵張先生開此山構殿宇規模宏麗古昔未有凡二十七年而後成自非精修之至者能如是乎高弟唐中一劉中和繼承師志思惟玄帝實錄流布未廣作嘉慶圖形諸有相而叙其事自初至終至為周憲募工鉅梓以傳於世俾觀者因相以明其事因事以知其靈則皆起誠敬而堅向善之心漸可進於道矣中政長史林公仲德為予道其事且徵為序

予嘉洞淵信道之篤中一中和用意之勤將見玄風大振也於是乎書至大辛亥孟冬吉旦鮑思義謹書

序

五

武當總真集序

二

太極肇分二儀始判水火化生於一畫風雷鼓舞於兩間大塊結形鍾為海嶽氣通山澤品物流形野處穴居人民淳朴指物象以為號紀雲鳥以名官故有有熊之稱有巢之氏武當并

玄帝事實有自來矣

玄帝聖蹟備具仙傳是山先名太和中古之時天地定位應翼對角允分野

玄帝昇真之後故曰非

玄武不足以當之因名焉考之圖經即上古

麋九地地謂人民朴野安靜樂善雖曰麋鹿猶可安居黃帝生於有熊之國等矣三皇而

次洛水襄陵為平水土封山肇州春秋之季析於豫雍之域秦韓之交漢屬南陽郡又易

漢中郡魏屬南鄉郡晉屬順陽郡懷帝永嘉置始平郡齊因之又置齊興郡梁為南始平

郡後魏改為武當郡梁置興州西魏為豐州隋改為均州又為浙陽郡武當郡唐宋復置

均州泉甘土肥風物美秀地靈人傑神仙攸

居武當之集古豈無之山雖仰止靈跡杳然道統雖崇變更數易謂介乎金宋之間百年之中三罹劫火板既蕩於前日事漸泯於後來幸天道好還車書混一誠言頓掃正道遂行興復前規無文不立予也軍懷未裔荆門

鄙夫叩嗣法源嘗藉賢館欣逢治化無補明時退居山林修真養性然游人達士登陟者

匪一往往探蹟索隱今指諭峰巒林下久居精神內守存心攝氣倦於應酬敬搜摘群書

詢諸耆舊加以耳濡目染究其的論確辭華之曰武當總真集會萬古之精華歛一山之

風月開卷了然又何待區區之饒舌也至元辛卯中元日前林下洞陽道人劉道明拜手

謹書